



"Қазақстан Республикасы Тұңғыш Президентінің Мемлекеттік бейбітшілік және прогресс сыйлығының мәселелері" туралы Қазақстан Республикасының Президенті Жарлығының жобасы туралы

Қазақстан Республикасы Үкіметінің қаулысы 2001 жылғы 16 тамыз N 1070

Қазақстан Республикасының Үкіметі қаулы етеді:

"Қазақстан Республикасы Тұңғыш Президентінің Мемлекеттік бейбітшілік және прогресс сыйлығының мәселелері" туралы Қазақстан Республикасының Президенті Жарлығының жобасы Қазақстан Республикасы Президентінің қарауына енгізілсін.

Қазақстан Республикасының
Премьер-Министрі

Қазақстан Республикасы Президентінің
Жарлығы

Қазақстан Республикасы Тұңғыш Президентінің
Мемлекеттік бейбітшілік және прогресс сыйлығының
мәселелері

"Қазақстан Республикасы Тұңғыш Президентінің Мемлекеттік бейбітшілік және прогресс сыйлығы туралы" 2001 жылғы 5 шілдедегі Қазақстан Республикасының Заңын іске асыру мақсатында қаулы етемін:

1. Қоса беріліп отырған:

1) Қазақстан Республикасы Тұңғыш Президентінің Мемлекеттік бейбітшілік және прогресс сыйлығы туралы ереже (1-қосымша);

2) Қазақстан Республикасы Тұңғыш Президентінің Мемлекеттік бейбітшілік және прогресс сыйлығын беру жөніндегі комиссияның дербес құрамы (2-қосымша) б е к і т і л с і н .

2. Мыналардың күші жойылды деп танылсын:

1) Қазақстан Республикасы Президентінің "Президенттің бейбітшілік пен рухани

татулық сыйлығы туралы" 1992 жылғы 31 тамыздағы N 903 қаулысы (Қазақстан Республикасы ПҰАЖ-ы, 1992 ж., N 31, 471-құжат);

2) Қазақстан Республикасы Президентінің "Қазақстан Республикасы Президентінің 1992 жылғы 31 тамыздағы N 903 қаулысына өзгерістер енгізу туралы" 1994 жылғы 20 қазандағы N 1949 қаулысы (Қазақстан Республикасы ПҰАЖ-ы, 1994 ж., N 42, 454-құжат) ;

3) Қазақстан Республикасы Президентінің "Президенттің бейбітшілік пен рухани татулық сыйлығын беру туралы" Қазақстан Республикасы Президентінің 1992 жылғы 31 тамыздағы N 903 қаулысына өзгерістер енгізу туралы" 1997 жылғы 24 қазандағы N 3716

U973716_

Жарлығы (Қазақстан Республикасы ПҰАЖ-ы, 1997 ж., N 47, 435-құжат).

3. Осы Жарлық қол қойылған күнінен бастап күшіне енеді.

Қазақстан Республикасының
Президенті

Қазақстан Республикасы
Президентінің
2001 жылғы _____
N _____ Жарлығына
1-қосымша

Қазақстан Республикасы Тұңғыш Президентінің
Мемлекеттік бейбітшілік және прогресс сыйлығы
туралы ереже

Жалпы ережелер

1. Қазақстан Республикасы Тұңғыш Президентінің Мемлекеттік бейбітшілік және прогресс сыйлығы (бұдан әрі - Мемлекеттік сыйлық):
демократия мен әлеуметтік прогресті дамытқаны үшін;
бейбітшілікті және халықтар арасындағы достықты, өзара сенімді, мемлекетаралық

қатынастарда теңдік пен бірдей қауіпсіздікті нығайтуға бағытталған белсенді қызметі
ү ш і н ;

қоғамдық және ұлтаралық келісімді орнықтыруға, Республиканың көпұлтты
халқының бірлігін нығайтуға қосқан ерекше үлесі үшін;

Қазақстанның ұлттары мен ұлыстарының мәдениеті мен тарихи дәстүрлеріне деген
құрметті қалыптастыратын терең ойлы публицистикалық шығармалар үшін берілетін
б о л а д ы .

2. Мемлекеттік сыйлық жыл сайын Қазақстан Республикасының азаматтарына және
шетелдіктерге беріледі, сондай-ақ отандық, халықаралық және шетелдік ұйымдарға
б е р і л у і м ү м к і н .

3. Мемлекеттік сыйлыққа ие болған адамдарға "Қазақстан Республикасы Тұңғыш
Президентінің Мемлекеттік бейбітшілік және прогресс сыйлығының лауреаты" атағы
беріледі, диплом, омырауға тағатын белгі, куәлік және ақшалай сыйақы тапсырылады.

4. Мемлекеттік сыйлыққа ие болған адамдарға ақшалай сыйақы 16000 (он алты мың
) айлық есептік көрсеткішті құрайды және республикалық бюджет қаражатынан
т ө л е н е д і .

5. Мемлекеттік сыйлық бір мезгілде бірнеше үміткерге берілуі мүмкін, мұндай
жағдайда оның ақшалай бөлігі олардың арасында тең бөлінеді. Мемлекеттік сыйлықты
қ а й т а л а п б е р у г е р ұ қ с а т е т і л м е й д і .

Бұрын қабылданбаған үміткерлер Мемлекеттік сыйлық беруге қайта ұсыныла алады
.

6. Мемлекеттік сыйлықты Қазақстан Республикасының Президенті салтанатты
ж а ғ д а й д а т а п с ы р а д ы .

7. Мемлекеттік сыйлыққа үміткерлер ұсыну құқығына:

Қазақстан Республикасы Парламентінің Сенаты мен Мәжілісінің комитеттері;

Қазақстан Республикасының Үкіметі;

Қазақстан Республикасының Президентіне тікелей бағынатын және есеп беретін
м е м л е к е т т і к о р г а н д а р ;

мәслихаттармен келісе отырып, облыстардың (республикалық маңызы бар қаланың
ж ә н е а с т а н а н ы ң) ә к і м д е р і ;

отандық, шетелдік және халықаралық ұйымдар ие болады.

8. Мемлекеттік сыйлыққа үміткерлер кандидатураларын іріктеу үшін

мемлекеттік, қоғамдық қайраткерлерден және өзге де тұлғалардан Қазақстан
Республикасы Тұңғыш Президентінің Мемлекеттік бейбітшілік және прогресс
сыйлығын беру жөніндегі комиссия (бұдан әрі - Комиссия) құрылады.

9. Комиссия Қазақстан Республикасының Президенті жанындағы
консультативтік-кеңесші орган болып табылады.

10. Комиссия қызметінің құқықтық негізін Қазақстан Республикасының

Конституциясы, заң актілері, Қазақстан Республикасы Президентінің актілері және осы Ереже құрайды.

Комиссияның негізгі міндеттері

11. Комиссияның негізгі міндеттері:

- 1) Мемлекеттік сыйлықты беру жөнінде келіп түскен ұсыныстарды қарау;
- 2) Мемлекеттік сыйлық беруге лайықты үміткерлерді Қазақстан Республикасының Президентіне ұсыну.

Комиссияның құқықтары мен міндеттері

12. Комиссия белгіленген тәртіппен:

1) үміткерлердің қызметімен және шығармашылығымен тұрғылықты жерінде немесе жұмыс орнында танысуға;

2) өз қызметін жүзеге асыру үшін мемлекеттік органдардан және өзге ұйымдардан құжаттар, материалдар және өзге де ақпараттар сұратуға;

3) қажет болған жағдайда мемлекеттік органдар мен өзге ұйымдар өкілдерін шақыруға және тыңдауға;

4) Мемлекеттік сыйлық беру тетігін жетілдіру жөнінде Қазақстан Республикасының Президентіне ұсыныстар енгізуге құқылы;

Комиссия:

1) Мемлекеттік сыйлық беруге ұсынылған үміткерлердің құжаттарын қабылдауға;

2) құжаттарды қабылдау аяқталған соң үміткерлер тізімін, оларды ұсынған ұйымдарды көрсете отырып, олардың қызметтері туралы қысқаша мәліметтерді ресми басылымдарда жариялауға;

3) үміткерлердің қызметтерін жұртшылық арасында кеңінен әрі ашық талқылауға жәрдем көрсетуге;

4) Мемлекеттік сыйлыққа үміткер етіп енгізілген кандидатураларды қарауға және осы жылғы Мемлекеттік сыйлық лауреаттарының саны мен оларға тиесілі ақшалай сыйақы жөнінде ұсынымдар әзірлеуге;

5) белгіленген тәртіппен Қазақстан Республикасы Президентінің

Мемлекеттік сыйлық беру туралы Жарлығының жобасын әзірлеуді және оны Қазақстан Республикасының Президенті Әкімшілігінің қарауына ұсынуды қамтамасыз етуге міндетті.

Комиссия жұмысын ұйымдастыру

13. Комиссияны Қазақстан Республикасының Президенті тағайындайтын төраға басқарады. Төраға болмаған кезеңде оның міндеттерін Комиссия төрағасының орынбасары атқарады.

14. Комиссия төрағасы:

1) Комиссия қызметін ұйымдастырады және оған басшылықты жүзеге асырады;

2) Комиссия отырыстарының күн тәртібін түзеді;

3) Комиссия отырыстарын шақырады және оларда төрағалық етеді;

4) Комиссия мүшелері арасынан Комиссия мәжілісінің күн тәртібіне енгізілген мәселе бойынша баяндамашыны белгілейді;

5) Комиссия құзыреті шеңберінде өзге де өкілеттіктерді орындайды.

15. Комиссия хатшысы:

1) Комиссия отырысының өткізілуін қамтамасыз етеді;

2) Комиссия отырысының күн тәртібі, өткізілетін күні, орны және уақыты туралы Комиссия мүшелерін хабардар етеді;

3) келіп түскен құжаттарды Комиссия мүшелеріне ұсынады;

4) Комиссия төрағасының тапсырмаларын орындайды;

5) Комиссия мүшелерінің ұсынылған үміткерлер кандидатуралары бойынша жасырын дауыс беруін ұйымдастырады.

16. Комиссия отырысы қажеттілігіне қарай өткізіледі. Комиссия отырысы, егер оған Комиссия мүшелері жалпы санының кемінде үштен екісі қатысса, құқылы деп саналады.

17. Комиссия шешімі жасырын дауыс беру арқылы көпшілік дауыспен қабылданады. Дауыстар тең болған ретте, төрағалық өтеушінің дауысы шешуші болады.

18. Комиссия шешімі хаттамамен ресімделеді және оған Комиссия төрағасы қол қояды.

19. Қазақстан Республикасы Президентінің Мемлекеттік сыйлық беру туралы актісі ресми басылымдарда жарияланады.

Комиссия қызметін қамтамасыз ету

20. Комиссия қызметін ұйымдық және ақпараттық қамтамасыз етуді Қазақстан Республикасының Мәдениет, ақпарат және қоғамдық келісім министрлігі жүзеге асырады.

Президентінің
2001 жылғы _____
N _____ Жарлығына
2-қосымша

Қазақстан Республикасы Тұңғыш Президентінің
Мемлекеттік бейбітшілік және прогресс сыйлығын беру
жөніндегі комиссияның дербес құрамы

Кекілбаев Әбіш Кекілбайұлы - Қазақстан Республикасының
Мемлекеттік хатшысы, төраға

Тасмағамбетов Иманғали Нұрғалиұлы - Қазақстан Республикасы
Премьер-Министрінің орынбасары,
төрағаның орынбасары

Асқаров Әлібек Асылбайұлы - Қазақстан Республикасы Мәдениет,
ақпарат және қоғамдық келісім
министрлігінің Департамент
директоры, хатшы

Комиссия мүшелері

Атрушкевич Павел Александрович - Қазақстан Республикасы Парламенті
Сенатының депутаты, Қазақстан
халықтары ассамблеясы төрағасының
орынбасары (келісім бойынша)

Бектұрғанов Нұралы Сұлтанұлы - Қазақстан Республикасының Білім
және ғылым министрі

Бельгер Герольд Карлович - жазушы (келісім бойынша)

Ертісбаев Ермұхамет Қабиденұлы - Қазақстан Республикасы
Президентінің
Әкімшілігі Қоғамдық-саяси
бөлімінің меңгерушісі

Қадырова Зәуре Жүсіпқызы - Қазақстан Республикасы

Парламентінің
Мәжілісі Әлеуметтік-мәдени даму
жөніндегі комитетінің төрайымы
(келісім бойынша)

Құл-Мұхаммед Мұхтар Абрарұлы - Қазақстан Республикасының
Мәдениет, ақпарат және қоғамдық
келісім министрі

Нұртаза Шерхан - Қазақстан Республикасының
Парламенті Мәжілісінің депутаты
(келісім бойынша)

Мұсақожаева Айман Қожабекқызы - Қазақ ұлттық музыка академиясының
ректоры (келісім бойынша)

Смайылов Камал Сейітжанұлы - публицист (келісім бойынша)

Щеголихин Иван Павлович - Қазақстан Республикасының
Парламенті Сенатының депутаты
(келісім бойынша)

Ыдырысов Ерлан Әбілфайызұлы - Қазақстан Республикасының Сыртқы
істер министрі

Мамандар:

Багарова Ж.А.

Қасымбеков Б.А.